



Gratis Distribution

# SIRD & PR MIZORAM NEWSLETTER

Vol. XIV Issue No. 11 December, 2023 : Monthly SIRD & PR Newsletter, Mizoram : Aizawl

## LAWRKHAWM

◀ Ni 17.10.2023 chawhnu dar 1:00 khan Commissioner & Secretary, Rural Development Department, Govt. of Mizoram Office Chamber-ah State Institute of Rural Development & Panchayati Raj (SIRD&PR) Mizoram thuneitu sang State Level Advisory Committee-cum-Governing Body chu neih a ni a, SIRD&PR chungchang pawimawh tak tak he hunah hian rel a ni.

◀ Ni 31.10.2023 - 3.11.2023 chhung khan Planning Department hnuai VLDP khua thlanbik 6 zinga 3, heng Sekhum, Leng leh Lungdai-a an hmalakna leh hnawhawhte endikin Dr. Khawlsiamthanga Khawhring, Associate Professor, Er. Zomawia Hahnar, Faculty leh Pu Malsawmdawngliana, IEC Manager, SIRD&PR te an kal a. Heng khua-a an hnathawhna leh hmalkan hmunah te hian kalin an endik a ni.

**Paih darh leh mai tur PLASTIC i hman loh hian Khawvel i chhanhim a ni.**

## Janjatiya Gaurav Divas pualin Awareness Programme neih a ni

State Institute of Rural Development & Panchayati Raj (SIRD&PR), Mizoram buatsaihin ni 22 & 23.11.2023 khan Janjatiya Gaurav Divas pualin Awareness Programme vawi 3, “Awareness Programmes on selected CSS for Faculty & Dealing Staff of SIRD&PR, Mizoram; Awareness Programmes on Selected CSS for GRS (VLAA), Mizoram leh Awareness Programmes on Selected CSS for Village Council Members of Aizawl District” Online (Google Meet) hmangin neih a ni.



Ni 22.11.2023 chawhma khan “Awareness Programmes on selected CSS for Faculty & Dealing Staff of SIRD&PR, Mizoram” neih niin, Pi Ethel Rothangpuii, Director, SIRD&PR, Mizoram chuan he hun hi a hawngin, Janjatiya Gaurav Divas hman a nihna chhante sawifiahin, Sorkar Laipuiin India zalenna sualtu ropui leh tribal hruaitu ni bawb Bhagwan Birsa Munda piancham denchhana he hun hi hman a nih thu te sawiin, a chanchin tlangpui a sawi a. Tribal hnam hrang hrang ten India ram venhimna leh zalenna sual

kawnga an thawh hlawkzia hriat reng nan buatsaih a ni, a ti bawb.

SIRD&PR Director chuan he hunah hian India ram zalenna sualtu tribal-te zahna lantir nan leh hriatrengha atan te, tribal-ten hma an sawnna tichaktu atan leh an hnam nunphung hrang hrang te an vawnhimna hun atan buatsaih a ni bawb a ni, a ti a. Ministry of Tribal Affairs chuan Janjatiya Gaurav Divas vawi 3-na hi 15.11.2023 atanga 26.11.2023 chhunga Constitutional Day nen ram pumah hman rual tura (Phek 2-na-ah zawmna)

**Editor-in-Chief:** Ethel Rothangpuii, Director  
**Editor:** Dr. Khuangthansanga Pakhuangte, Asso. Prof.  
**Jt. Editor:** Malsawmdawngliana, IECM  
**Cir. Manager:** Zothantluanga, IEC Facilitator

**Editorial:** 

### Hunpui laia hnawmhawwk

Kristianten-a kan ni pawimawh Krismas leh Kumthar lawm turin kan inbuatsaih chho leh ta a, he hunpui kan hman chhung hian chhungtinten kan in leh a vel te kan tifai thin a, Kohhranin hunpui kan hmanna ah leh tlawmngai pawl hrang hrangten kan hmanna-ah hnawmhawwk/bawlhhlawh kan ngah hunlai a ni leh dawn a, hengah hian hmankhat daih Plastic aiah hman nawn theih chi, paih mai ngai lo emaw plastic ni lo, tawih theite kan hman hian hnawmhawwk/bawlhhlawh nasa takin kan neih tlem phah ngei ang.

Tin, kan hnawmhawwk/bawlhhlawh te hi kawngkam leh kawr remchang laia paih mai ching kan la awm fo hi a pawl hle mai. Hnawmhawwk/Bawlhhlawh kan lo ngah deuh anih pawhin a paihna tur hmun ruahman leh siamah chauh kan paih hram hram thin tur a ni tih i hre thar leh ang u.

Kan ramah chuan hunpui a nih bakah thlasik boruak nawm lai a nih avangin thalai, nu leh pa leh naupangte pawh kan len khawthawn hunlai a ni a, kan len khawthawna hmunahte ei leh in turte kan pai thin a, heng kan thil ei ruahnate hi kan ei inna hmunahe emaw, kawngkamah emaw leh hmun remchang laia te emaw paih darh mai mai lovin, a paihna tur hmun siam leh bawlhhlawh bawmah te paih hram hram thin i la. Paihna tur a awm mai loh chuan dahthat a, a paihna tur hmun leh bawlhhlawh bawmah awm remchangahte paih chauh thin i la a duhawm hle a ni.

Hunpui laia kan hnawmhawwk/bawlhhlawhte duhna lai laia paih darh mai lovin, a paihna tur hmunahe leh bawlhhlawh bawmah chauh i paih thin ang u.

*(phek I-na ami chhunzawmna)*

## Janjatiya Gaurav Divas pualin Awareness Programme neih a ni

thutlukna a siam thu a tarlang bawh a ni. He Awareness Programme hi hlawk taka hman a nih ngei a beisei thu sawiin, duhsakna hlanin a hawng a ni. He hunah hian SIRD&PR hnuai a thawk mi 48 an tel a ni.



Ni 22.11.2023 chawhnu khan “**Awareness Programmes on selected CSS for GRS (VLAA), Mizoram**” neih a ni bawh a, Pi Ethel Rothangpuii, Director, SIRD&PR, Mizoram chuan a hawng a ni.. He Awareness-ah hian Mizoram hmun hrang hranga Mahatma Gandhi NREGS hnuai a thawk Village Level Administrative Assistant (VLAA) mi 200 he Awareness-ah hian an tel a ni.




Ni 23.11.2023 chawhma khan “**Awareness Programmes on Selected CSS for Village Council (VC) Members of Aizawl District**” neih leh a ni bawh a. He hun hi Pu V. Lalengmawia, Joint Secretary, RD Department, chuan hawngin, India rama Tribal-te zingah pawh zalenna sualtu ropui tak tak an awm a, chung zingah chuan Bhagwan Birsa Munda hi a thawhhlawh berte zinga mi a ni a, amah hriatreng nan Sorkar Laipui chuan Janjatiya Gaurav Divas hi hman turin ruahmanna a lo siam ta a ni a ti a. Tun tumah hian Central Scheme pawimawh tak tak kan zir dawn a, hlawkpui ngei tura chahin, training hi a hawng a ni.

Heng Awareness Programme-te hi Dr. Khawlsiamthanga Khawhling, Associate Professor, SIRD&PR, Mizoram, Course Director chuan a kaihuai thin a ni.

## People's Plan Campaign (PPC) chungchangah Workshop neih a ni

Rural Development (RD) Department, Govt. of Mizoram; Local Administration Department (LAD), Govt. of Mizoram leh State Institute of Rural Development & Panchayati Raj (SIRD&PR), Mizoram tangkawp buatsaihin **“Introductory Workshop/Orientation for DPCs and Nodal Officers on People's Plan Campaign leh Workshop for Facilitators on People's Plan Campaign”** chu ni 10 - 12.10.2023 chung khan Online (Google Meet) hmangin neih a ni.



Ni 10.10.2023 khan **“Introductory Workshop/Orientation for DPCs and Nodal Officers on People's Plan Campaign”** neih niin, inlawmna thu Pi Ethel Rothangpuii, Director, SIRD&PR, Mizoram chuan sawiin, Keynote Address Pi Teresy Vanlalhruii, Secretary, LAD, Govt. of Mizoram chuan neiin, Overview of PPC - 2023, Pi Rita Lalnunmawii Pachuau, Director, LAD hnen atangin ngaihthlak a ni a, Pu V. Lalengmawia, State Nodal Officer/Jt. Secretary, RD Department, Govt. of Mizoram hnen atangin hriattur pawimawhte ngaihthlak a ni bawk.

He Workshop-ah hian District hrang hranga Deputy Commissioner te, Project Director, DRDO te, RD Block hrang hranga BDO te leh Faculty, SIRD&PR, Mizoram te an tel a. Pu Isak Lalmuanpuia Chuaungo, Economist cum Under Secretary, Planning & Programme Implementation Department, Govt. of Mizoram; Dr. Khawlsiamthanga Khawlhring,



Associate Professor, SIRD&PR, Mizoram; Dr. H. Rosangpuia, Faculty, SPRC, SIRD&PR, Mizoram leh Pu MD Kafil Khan, SPO, PRI-CBO Convergence, MzSRLM te'n he Workshop-a telte zirtirna an pe a ni.

Ni 11 leh 12.10.2023 khan **“Workshop for Facilitators on People's Plan Campaign”** neih a ni a, Pi H. Lalchhandami, Chief Executive Officer (CEO), MzSRLM chuan he Workshop hi a hawng a ni.

He Workshop-ah hian Mizoram hmun hrang hrang atangin People's Plan Campaign neih tura Facilitator-te an tel a. Pu Khawlsiamthanga Khawlhring, Associate Professor, SIRD&PR, Mizoram; Dr. H. Rosangpuia, Faculty, SPRC, SIRD&PR, Mizoram; Pu K. David Lalthanmawia, Faculty, SPRC, SIRD&PR, Mizoram leh Pu Raymond Lalsangzuala, State Mission Manager (SISD), MzSRLM te'n he Workshop-a telte zirtirna an pe a ni.

## MP (LS)-in hmalakna enfiah

Lok Sabha MP Pu C.Lalrosanga chuan 6.10.2023 khan Saansad Adarsh Gram Yojana (SAGY) Phase VII hnuia Model Village atana a thlan Muthi tlawhin hmalaknate a enfiah a, BDO Tlangnuam RD Block & Charge Officer, SAGY Phase VII buatsaih Model Village puala Muthi Community Hall-a program buatsaih chu khuallian niin a hmanpui a, internet chak zawk an neih theih nan Bharat Net a hawng nghal bawk.



## Naupangte leh Youtube

- Vanlalhruaia Ralte,  
Head Faculty, DPRC, Serchhip

Tunlai khawvela hmasawna tam tak thlent chu Digital technology niin, tunhma lam huna kan media neih - Television, radio, chanchinbu, etc. te chu tunlai khawvel changkanna in nasa takin a rawn luahlan mek zel a ni. Kan tui leh nuam tihzawng te pawh rawn inthlak ve zelin, hunawl kan khawral dante pawh a lo danglam chho ta a, chung zinga kan hmanraw hman lar tak pakhat chu Youtube niin, nu leh pa te pawn tu leh fa te awmtlei nana kan hman tlanglawn ber a ni ta. He Youtube kan tih hi naupangte in awmhlina leh thil zirna hmanraw tlangkai tak a ni chho mek zel a, a thalo lam zawnga nghawng a neihte pawh tlang sawi lo hre ve tawh thin mah i la, an seilenna khawvelin a ken tel a nih miau avangin an lak ata lak bo theih a ni ta lo.

Engkim hian thatna leh thatlohna a keng tel zel a ni tih hairual a nihloh karah hian kan sawi mek Youtube pawh hian engtiang takin nge nghawng a neih tih mithiamte zirchianna zulzuiin i lo sawi ho dawn i la:

### A thatna :-

**Socialization:** Naupangten youtube video an en atangin mi thil tihdan leh tawng dante lo zirin, ngaihdante an lo siam theih phah a, he platform hian naupangte tan mahni in lum atanga an rualpuite nunphung leh nungchang lo zirna hun remchang a siamsak a ni.

**Thil zirna kawngah:** Youtube-a an thil en atangin tawng chi hrang hrang a bikin sap tawng zir kawngah naupangten hma an sawn pui hle a. Heng bakah hian pre-school/ Anganwadi-a an zir thin rawng thliar hran te, taksa peng hrang hrang hming te, ransa hming leh nau awmna hla chi hrang hrang te in lam atanga lo thiam ve zung zungna kawngah nasa takin naupang a pui bawk a ni.

**Suangtuahna (Imagination) :** Youtube video an en atangin naupangten ngaihruat thiamna leh mahnia thil suangtuah thiamna (imagination) an neih nasat phah a. Hei hian themthiamna (creativity) naupang a neihtir thei a ni.

**Dilchhutna (Curiosity):** Youtube video an en atangin naupangah dilchhutna nasa takin a thlen a, a chhan leh vang hriat duhna a neihtir nasa thin hle. Entirna lo pe dawn i la: Naupang chuan a video en laia naupang tap te chu eng vanga tap leh lungngai nge an nih tih hriat duhna a nei a, hei hian naupang rilru ah thilthleng palzam mai lo a, a chhan hriat tel kher duhna a thlen thin a ni.

### A that lohna:-

**Naupang tan a him lo a tam:** Youtube-a video-ah hian naupang tana en him lo leh an kum mil lo video tam tak a kat nuk a, nu leh paten an tan a him chin nia kan hriat kan hmehchhuah sak laiin kan hmuh loh karah leh an video en kar lakah hian an tana him lo video leh fakna (mipat hmeichhiatna kaihnawih, ttwngkam mawilo, etc.) tam tak a rawn lang zut zut thin a ni. Psychotherapist Liz Morrison a chuan, “Nu leh paten kan faten enge an en tih kan thlir pui reng hman loh avangin naupangten an tan a him lo an thlir hnem phah a, chu chuan an seilenna kawngah ngaituahna dik lo leh tha lo an neih theih phah a ni” tiin a sawi.

**Naupang hmasawna a timuang :** Naupang doctor Dr. Brandon Smith chuan Naupang a bikin Anganwadi/Pre-school kal rualte zingah youtube video en tam lutuk hian mahni inthunun theih lohna a thlen nasa niin a sawi a, Mobile phone leh T.V en nasat lutuk hian naupang thenkhatah tawng lama harsatna te, hmasawna leh seilenna (development) kawng tam tak ah an rualpui naupang dangte phak lohna nasa takin a thlen thei niin a sawi bawk.

**Mut kawngah harsatna :** Naupang phone khawhtir nasat hian an mood, ngaihtuahna leh immunity system thlengin nghawng a nei thei a, a bik takin mut lamah harsatna a thlen nasa in mithiamte chuan an sawi. Mut hmaa phone khawih thin leh khawih ngailo naupangte inkarah mut awlsam dan leh muttui danin danglamna nasa tak a nei a ni tiin mithiamte chuan an sawi bawk.

**Amaw tihna khawvel ah a chen tir:** Youtube video-a mi lemchan (*phok lehlahmah zawmna*)

*(phek leh lam ami chhunzawmna)*

## Naupangte leh Youtube

tam tak an hmuhte a tak emaw tia ngaihna an neih nasat phah hle a, hei hian naupangah lemchanna khawvela mite neih ang neih ve nghal duh mai na te, video-a an hmuh ang tih ve nghal mai tumnate a siam thin a ni.

**Dawhtheihna an tlachham :** Zirchianna in a sawi dang leh ah chuan, naupang, a bikin kum 2 hnuailamte in awm tlei nana TV emaw youtube-a video kan entir hian naupang bengkhawmna (attention) leh dawhtheihna a tichhe nasa hle a. Hei hi a chhan nia lang chu, naupangte hian an rilru leh tihtak zetin phone leh TV-a video-te an thlir a, chutia attention an pek lai tak an video han off sak emaw, a kar laka fakna rawn inzep emaw a awm khan naupangah lungawilohna nasa tak thlenin, fakna (advertisement) zawh nghak theilo in anmahni-ah dawhtheihna tlakchhamna a thlen thin a ni (Fakna skip theihloh avanga naupang tap ta ruah ruah an awm ta fo mai).

Naupang seilenna kawngah hian an thil hmuh leh hriat tam apiangte hian an nunah nghawng a nei nasa a ni tih kan hriat a tha hle a, chumi a nih avang chuan kan tu leh fate awm tlei nana T.V leh phone-a youtube video kan entir thin ah hian chintawk kan siam thiam leh enpui (supervision) a pawimawh hle a ni. Kan chhawngchhiah leh buaipui hman loh kara phone kan khawih tir leh youtube video kan entir hian an nun ah nghawng tam tak a nei a ni tih hre nawn leh theuh ang u.

Naupang kan thunun zawh loh ai chuan nu leh pa, puitling leh mawhphurtute hian keimahni leh kan khawlte (Phone/T.V/ Computer) kan thunun a, awmze nei, hunbi neia kan hman a ngai a ni.

**Tawih thei lo Plastic  
a tanga siam - ip, fian, no,  
thlengte aiah tawih thei  
ngei - mau, puan leh  
lehkha a tanga siam i  
hmang uar zawk ang u.**

## Flag Code of India, 2002 Nihphungte

1. India Hnam Puanzar (National Flag) hian India mipuite beisei leh duhtusam a entir a. Kan hnam zahawmna entirtu (symbol) ni bawkin, National Flag kan zahna leh rinawmna a keng tel bawk a ni. India mipuite rilruah hmun danglam leh pawimawh tak a luah a ni.

2. India Hnam Puanzar hman dan, pawhparh dan, zar dan turte hi Prevention of Insults to National Honour Act, 1971 leh Flag Code of India, 2002-ahte chiang takin a inziak a. Flag Code of India, 2002 hman dan tur mipuite hriattur pawimawh thenkhatte chu -

a) Flag Code of India, 2002 hi Sawrkar Thuchhuah (Order) kaltlangin 30<sup>th</sup> December, 2021 khan tlem siam rem/tihdanglam a ni a, Polyester leh khawl (machine) a tanga siam Flag-te chu hman phal a ni. Tunah chuan National Flag hi kuttah (hand spun and hand woven) emaw khawltah (machine made) hman gte a siam phal a lo ni ta a.

b) Mipui, mimal pawl leh zirna in te chuan eng niah pawh, eng hunah pawh, eng hunserhah te pawh India Hnam Puanzar hi zah tak chungin an zar thei ang.

c) Flag Code of India, 2002 hi Sawrkar Thuchhuah (Order) kaltlangin 20<sup>th</sup> July, 2022 khan siam danglam leh hret a ni a. Clause (XI), Paragraph 2.2 of Part -1 of Flag Code of India chu a hnuai mi ang hian siam danglam a ni -

**(xi) "India Flag hi mimal in (house) ah chhun leh zarah pawh zar emaw phochhuah phal a ni"**

d) National Flag shape hi rectangular tur a ni a. Eng size pawh a ni thei a, mahse, a dung leh vang ratio hi 3:2 a ni ngei tur a ni.

e) National Flag hi zar a nih apiangin hmun pawimawh leh zahawm a luah tur a ni a, hmun diktakah zar thin tur a ni.

f) National Flag bal leh tet hi zar loh tawp tur a ni.

**BAWLHHLAWH A BAWMAH CHAUH AW.**

## Ni 15.9.2023 - 16.10.2023 chhunga Training neihte



Trg. on GIS based Planning for PMKSY 2.0, Watershed Management @ Reiek. Course Director: Er. C. Lalthlansanga, Core Faculty, SIRD&PR.



Skill Trg on Post Harvest Processing for Rural Woman @ SIRD&PR, Mizoram. Course Director: Dr. Margaret Lalbiakthangi, Associate Professor, SIRD&PR.



Three day training on Social Defence Issue for PR Functionaries @ SIRD&PR. Course Director: Dr. Lalhruaitluangi Sailo, Sr. Core Faculty, SIRD&PR.



Trg. on Community Hygiene and Safe Drinking Water @ Pehlawn. Course Director: Pi V. Lalhmangaihi, Faculty, ETC, Thingsulthliah

## DISHA thukhawm

Ni 4.10.2023 khan Saitual District Development Coordination & Monitoring Committee (DISHA) chu an Chairman Pu C. Lalrosanga, MP, Lok Sabha kaihhruaina hnuaiah Saitual DC Conference room-ah thukhawmin, Saitual District huamchhunga Central scheme hmanga hnathawhte thlirhona an nei a, DISHA hnuaia line department mamawhte leh hmasawn zel dan turte an sawiho bawk.



## Food Court hawng

Mizoram State Livelihood Mission (MzSRLM) Serchhip RD Block hnuaia Vantawng Cluster Level Federation hmalaknain ni 28.11.2023 khan Food Court changtlung tak chu Thenzawl Hermon Vengah Serchhip District DRDO Project Director Pu H.D. Lalpekmawia'n a hawng.

Food Court hi khualzinte tana chaw leh ei tur chi hrang hrang, Mizo duhzawng leh khawvel ramdang leh India rama hnam hrang hrang chaw leh eitur siam theihna a ni.


## Pa khawi training nei

Ni 21.11.2023 khan BDO, Bunglemun R.D. Block buatsaihin Zonal YCA Hall, Marpara 'S' ah pa khawi zirna (Training on mushroom cultivation) nei a ni a, he hunah hian KVK Hnahthial atangin Dr. Lalngaihawmi, Subject Matter Specialist leh Pi Lalhmangaihzuai Hnamte, Senior Research Fellow (Arya) te'n zirtirna an pe a ni.



## SIA Report submit

State Institute of Rural Development & Panchayati Raj (SIRD&PR), Social Impact Assessment Unit, Mizoram chuan Indradhanush Gas Grid Limited (IGGL)-in Panisagar, Tripura atanga Aizawl thleng Natural Gas Pipeline Project hnuai Sectionalizing Valve (SV) Stations heng khua - Kanmun, Zawnuam, Kawrthah, Bawngva, Mamit Luangpawl leh Lengte a dahna tur hmun atana ramlak tur chungchangah Social Impact Assessment neih a ni a, heng hmuna mipuite nen inrawnna hun hman anihna ah mipuite chuan an ram hman an phal thu leh engmawh harsatna an siam dawn loh thu an sawi a, a tuar thei tur chhungkuate chuan an khawsak phungah pawh nasa takin a chawikang turah an ngaiin an lawm hle a ni.



He SIA Report hi SIRD&PR Mizoram, SIA Unit, Mizoram chuan Land Revenue & Settlement Department, Govt. of Mizoramah ni 10.11.2023 khan a thehluk tawh a ni.

## Awareness Campaign nei

Ni 20.11.2023 khan BDO, Bungmun RD Block buatsaihin Govt. High School, Bungmunah ruihhlo do awareness campaign neih a ni. He Awareness campaign hi 'Nasha Mukta Bharat Abhiyaan (NMBA)' leh Mizoram Sawrkar hnuai 'Ruihhlo Do' campaign kaltlanga buatsaih niin, Govt. High School leh Thianbuka Higher Secondary School, Bungmun atangin zirlai naupang an tel a ni.

He hun hi Pu J.L. Chuailova, Headmaster, Govt. High School, Bungmun-in a kaihrui a. Pu H. Lalramenga, BDO, Bungmun RD Block; Pu B. Lalhlipua, Officer-in-Charge, Bungmun Police Station leh Pu Ngurhmingliana Sailo, President, Bungmun Branch YMA ten zirtirna an pe a, Pu Lalsiamhluna, LDC, BDO Bungmun office chuan lawmthu sawiin campaign a khar a ni..

## Rural Homestay hawng

Sorkar laipuaia Ministry of Panchayati Raj hnuai Rashtriya Gram Swaraj Abhiyan (RGSA) kaltlanga Tuipui-D leh Darzo inkara Rural Homestay and Agro Tourism atana in (cabin) pali sak thar chu ni 25.11.2023 khan Local Administration Department (LAD) Director Pi Rita Lalnunmawii Pachuau-in a hawng.

LAD Director chuan, Homestay inte chu RGSA atanga LAD-in sum a hmuh Rs. 84,00,000 hmanga sak a nih thu a sawi a, a changtu LAD chuan hma kan la a, Tuipui-D ah mikhual thlen/riahna tur nuam leh tha em em homestay cabin pali sak puitlin a ni ta hi a lawmawm hle a ni, a ti.

Homestay cabin hawnna inkhawmah hian LAD Joint Director Pu Lalchawimawia, State Nodal Officer, RGSA te, Darzo leh Tuipui-D VC member-te an tel a ni.

## Veng fai lawmman sem

Ni 15.11.2023 khan Serchhip DC Pu David Lalthantluanga chuan a pisa-a programme tawi buatsaihah Serchhip khawchhunga veng fai lawmman a sem.

Serchhip MJA ten October ni 5 leh ni 6 khan a endik hna an thawk a. Village Council lawmman dawngtute chu hetiang a ni:-

- Pakhatna - Vengchung VC (Rs. 20,000 leh citation)
- Pahnihna - Chanmari VC (Rs. 10,000 leh citation)
- Pathumna - Hmar Veng VC leh P&E Veng VC (Rs. 5000 leh citation)

He hun hi DUDO Pu Gaston Vanlalhriat-puaia'n a kaihrui a. Addl. DC Pu Lalnundika, DIPRO Pi Lalnunmawii leh MJA aiaawh te an tel a ni.



## Mizoram MLA inthlanpui Result

Ni 7.11.2023-a Mizorama roreltu Member of Legislative Assembly (MLA) tur thlanna atana Vote tla-te chu ni 4.12.2023 (Thawhtanni) khan tluang taka chhiar a ni a, MLA Bial 40-a tlingte chu heng mite hi an ni:

1. Hachhek : Pu Robert Romawia Royte, MNF
2. Dampa : Pu Lalrintluanga Sailo, MNF
3. Mamit : Er. H. Lalzirliana, MNF
4. Tuirial : Pu K. Laldawngliana, MNF
5. Kolasib : Pu Lalfamkima, ZPM
6. Serlui : Pu Lalrinsanga Ralte, MNF
7. Tuivawl : Pu Lalchhandama Ralte, MNF
8. Chalfilh : Pu Lalbiakzama, ZPM
9. Tawi : Prof. Lalnilawma, ZPM
10. Aizawl North - I : Pu Vanlalhlana, ZPM
11. Aizawl North - II : Dr. Vanlalhlana, ZPM
12. Aizawl North - III : Pu K. Sapdanga, ZPM
13. Aizawl East - I : Pu Lalthansanga, ZPM
14. Aizawl East - II : Pu B. Lalchhanzova, ZPM
15. Aizawl West - I : Pu TBC Lalvenchhunga, ZPM
16. Aizawl West - II : Pu Lalnghinglova Hmar, ZPM
17. Aizawl West - III : Pu V. L. Zaithanzama, ZPM
18. Aizawl South - I : Pu C. Lalsawivunga, ZPM
19. Aizawl South - II : Pu Lalchhuanthanga, ZPM
20. Aizawl South - III : Pi Baryl Vanneihsang, ZPM
21. Lengteng : Pu F. Rodingliana, ZPM
22. Tuichang : Pu W. Chhuanawma, ZPM
23. Champhai North : Er. H. Ginzalala, ZPM
24. Champhai South : Lt. Col Clement Lalhmingthanga, ZPM
25. East Tuipui : Pu Ramthanmawia, MNF
26. Serchhip : Pu Lalduhoma, ZPM
27. Tuikum : Pu P.C. Vanlalruata, ZPM
28. Hrangturzo : Pu Lalmanpuia Punte, ZPM
29. South Tuipui : Pu Jeje Lalpekhlua, ZPM
30. Lunglei North : Pu V. Malsawmtluanga, ZPM
31. Lunglei East : Pi Lalrinpuui, ZPM
32. Lunglei West : Pu T. Lalhlmpuia, ZPM
33. Lunglei South : Pu Lalramliana Papaia, ZPM
34. Thorang : Pu R. Rohmingliana, MNF
35. West Tuipui : Pi Prova Chakma, MNF
36. Tuichawng : Pu Rasik Mohan Chakma, MNF
37. Lawngtlai West : Pu C. Ngunlianchunga, INC
38. Lawngtlai East : Dr. Lorrain Lalpekliana Chinzah, ZPM
39. Siaha : Dr. K. Beichhua, BJP
40. Palak A/C : Pu K. Hrahmo, BJP



**Published by Ethel Rothangpui on behalf of State Institute of Rural Development & Panchayati Raj, Mizoram, Durtlang Leitan, PIN 796015.**

**Phone : (0389) - 2362551; e-mail: [dirdsirdmz@gmail.com](mailto:dirdsirdmz@gmail.com); Website: [sirdpr.mizoram.gov.in](http://sirdpr.mizoram.gov.in).  
[facebook.com/SIRDPRMizoram](https://facebook.com/SIRDPRMizoram); [instagram.com/sirdpr\\_mizoram](https://instagram.com/sirdpr_mizoram); [youtube.com/user/dirdsirdmz](https://youtube.com/user/dirdsirdmz).**

**Funded under RGSA through Local Administration Department (LAD), Govt. of Mizoram.**

**Printed at Ebenezer Offset, Luangmual, Aizawl.**

**4,000 copies**